



Universitätsbibliothek Paderborn

Impius Infelix

Texier, Claude

Augustae Vindelicorum [u.a.], 1695

Duabus item rationibus frequentibus. 2. Vera Pœnitentia sine prævia dispositione in horâ mortis fieri nequit, cùm sit difficillima, impediatur ab hostibus potentissimis, ejusque peccator nullum ...

[urn:nbn:de:hbz:466:1-45950](#)

An non piissimum etiam est monitum optimi nostri Magistri, carentis nobis in Evangelio, similique iubentis orare. *Nè fiat fuga nostra in hyeme vel sabbatho,* tunc nimirum, cum occasio fugiendi minus accommoda, viæ admodum difficiles, dies breviores sunt? id est, iuxta communem interpretationem expositionem vult Christus, ne expectemus ultinam vitæ nostræ ætatem, extremam senectutem, nec tempus, quo sibi de quiete prospiciendum, quod est mortis; si à peccato hīc nos abstrahere, iram Dei adhuc effugere volumus. *Orate, ut non fiat fuga vestra in hyeme vel sabbatho.*

Mat. 24, 20^o

Jacto Fundamento tam solido per ipsum lapidem angularem, id est stabilitâ doctrinâ per authoritatem Divinam Christi Jesu, tam Ecclesiæ, quam sanctorum, æquè facile vos convincere possumus per rationem.

Sensus tanus & experientia nos instruunt ad consequendum haec aliquid ex natura sua difficultissimi negotii, cui remoram interponunt, idque impedire tentant hostes numerosi & potentes, de quo nullam habemus notitiam vel usum, nec unquam alias fuit pertractatum, necessarium esse studium & præparationem, alioquin sic eccliam felicem minime sperandum esse. Atqui secundum communem sapientum omnium dictamen res est difficilima, bene mori: momentum est, à quo dependent universa, in quo cuncti hostes salutis extremas exerunt vires, nosque undique omnibus artibus, & omni possibili violentia aggrediuntur; denique negotium est, nunquam à nobis antehac peractum, siquidem non bina vice mori possumus. Hæc itaque ars artium bene sc. moriendo opus habet prolixo studio, multâ præparatione; consequenter, quicunque non horret subire mortem circa

II.

præ-

Qq 2

præviam, seriāmque dispositionem, nec aliquem in hanc fine in adhibet conatum, justam movet alliis suspicionem, ne infeliciter suo fato occubuerit, timendi.

Pro meliori declarazione præsentis discursus, observetis cum S. Ambrosio, bestias inter hominēsque istarā intercedere differentiam, quod priores ducantur ab auctore naturæ, supplente defectum usū rationis, in suis operationibus, easque uniformiter instituant cum tali perfectione pro prima, quali pro ultima vice: avis ex. gr. prima statim vice nidum suum perfectè novit construere. Sed homo recepto à Deo rationis usu, vi cuius est scientiæ capax, se per usum & praxin successivè perficit; unde provenit, quod omnes artes assignatum sibi tempus habent, quo perdisci queant. Quantumvis præcellentē polleat ingenio & inclinatione ad pingendum v. g. juvenis hic pictor, qui prima in pictoria arte Fundamenta ponit; istamen non nisi telam cum suis coloribus maculabit; si mox ab initio nobile quoddam opus perficere, præsumat.

Quare ergo advertit idem S. Ambrosius, artes humiliores & faciliores studio indigeanr & continua praxi, nihilominus pauci reperiantur, qui earum notitiā præstantes emineant; vos autem unico pene momento perdiscere velitis artem bene moriendi, quam sancti vix apprehendere se posse metuunt etiam post adhibitum totius vitæ studium? *Egregia res est, mortem condiscere.* O quam res est magna & ardua, exclamat Seneca, quam recte discere est ipsum bene mori, cuius scientiam non prius quam usum capimus. *Semper discendum est, quod an sciamus, experiri non possumus,*

In me

In me, ajebat Romanorum sapientissimus ore cū-
jusdam sophistæ, non aliam agnosco erga vitam obliga-
tionem, nisi, quod suppeditârit mihi media, discendi ar-
tem bene moriendi.

Dictum omnino Christianum. Verum est, quod, cū
præcipua Dei intentio, cum qua nos in hunc mundum in-
troducit, sit, ut ex inde nos deducat, denique ad fruitio-
nem felicitatis æternæ perducat, unica nostra cura, &
continua accupatio esse debeat, adinveniendi medium,
qno finem istius intineris felicem sortiamur, unde bona
& mala sors pendet æternitatis. Ecce totum & omne
Sanctorum negotium moriendi diebus singulis, ut semel
bene moriantur, sicut oportet. *Quotidie morimur.* 1.Cor. 15. 31.

Quidnam obsecro, Christus Dominus in suo Evan-
gelio toties nobis inculcat, quām assiduum hoc studium,
continuam ad mortis luctam præparationem? An non
omnes id exprimunt admirandæ ipsius parabolæ, loquen-
tes de servis illis incessanti cura vigilias agentibus, ne ino-
pino domini sui adventu præveniantur? *Et vos similes ho-* Luc. 12. 36.
miibus expectantibus dominum suum.

De Virginibus prudentibus lampades accensas ge-
stantibus, semper in occursum appropinquantis sponsi
promptis & paratis? Conclusio omnium harum parabo-
larum consistit in monitorio isto notabili epiphonemate:
Videte, vigilate & orate, nescitis enim, quando tempus sit: Marc. 13. 33.
quia hora est incerta.

Non legimus, quod Christus unquam docuerit:
disponite vos, quando mors ventura est, sed, *estote parati,* Luc. 12. 40.
quia, quā horā non putatis, Filius hominis veniet. Nemo
potest esse paratus, qui prius se non præparavit, nec tem-
pus se præparandi coincidit cum tempore, quo jam pa-

Qq 3

ratus

ratus aliquis esse debet : in exemplo. Istud non est tem-
pus disponendi ædæs, quæque in suo collocandi statu,
indigesta in ordinem redigendi, cùm dominus jam pul-
savit fores, sibi que aperiti præcepit. Quando autem sit
tempus illud, quo Deus nostras pulsat fores, indicat S.
S. Greg. hom. Gregorius Magnus : *Pulsat Dominus, cùm jam per ægritudi-*
13. in Evang. *nis molestias mortem vicinam esse designat.*

Considerate anxietates virginum fatuarum, earum
Matth. 25. 8. cursus & recursus, obtestationes : *Date nobis de oleo vestro.*

Quamquam illæ non parum essent afflæ, ac singularem
erga sponsum contestatæ affectionem, repulsam nihil-
minus sunt passæ, & audire coguntur triste illud nun-

Matth. 25. 11. tium : *Nescio vos*, utpote non paratas debito tempore.
Hoc ipsum pluribus peccatoribus evenit ad mortis janu-
am constitutis. Ah ! suspirant illi, quam vehementer do-
leo, me tali non meliori modo vitam duxisse ; O Deus !
quibus rebus totam meam impendi vitam, quid cogitavi,
quando de morte non cogitavi ? deinde confugient ad
Sacratissimam Virginem & Sanctos Dei, supplicabunt:
date nobis de oleo vestro. Petitio quidem bona, sed feroni-
miū facta.

Neminem quidem judicare velim, non tamen asse-
rere pertimesco, quod, cùm judicio sapientum, æquè gen-
tilium ac Christianorum, imò etiam authore Christo, qui
est prima veritas, ars moriendi opus habeat multo & mag-
no studio, singulari & insigni dispositione : omnis homo,
qui per vitæ suæ decursum ad ejus terminum se non re-
flexit, qualis cunque superveniente isto conatum ostendat,
valde probabiliter in negotio tam arduo exitum in-
faustum sit sortitus.

Addite

Addite; si vobis placet, res quasdam tales ex natura esse, ut perfici nequeant sine prævia quadam dispositione, ex. gr. prærequiritur navis conducta, electus peritus nava-chus, facta item esse provisio de biscoctis, panibus alióve alimento, antequam explicitur vela, & navis in mare de jiciatur, alioquin stultè ageret, qui diceret; tempestate ingruente conducemus bonum navis rectorem, consumptis alimentis imminentे famis necessitate navigium mittemus ad littus, transxerturi provisionem necessariam.

Antequam castellum aliquis ab hostibus tueri præsumat, locus ipse suis fortalitiis cinctus, armis & alimentis sit copiose instructus, necesse est; velle hæc omnia prorogare in adventum hostium, cum hostiles machinæ jam admoveri incipiunt, est certam loci ruinam, siue confusionem expectare.

Vele inire rationes admodum graves & oppidò intricatas, unde tamen stabilitas aut destruētio integræ aliquius familie dependet, priusquam data & accepta ordinatè in computum sint deducta, idem est ac suæ causæ, siueque salutis adversarium agere.

Jam quæro, quid mors est aliud, nisi juxta Scripturam navigatio plena periculis, angustis limitibus arctatum mare seu fretum, per quod transcendum nobis ad portum felicitatis æternæ in medio tempestatum & turbium procellas concitantium horrendas, quas Divinus nobis Spiritus præfigiisse visus? *Cum irruerit super vos repentina calamitas, & interitus quasi tempestas ingruerit.*

Picv. I. 27.

Quid est aliud, quam munimentum, ubi moriturus peccator se videt per arma Justitiae Dei urgeri, à dæmonibus infestari, tot inimicis, quot peccatis circumfederis,

Luc. 19. 43.

sederi, quæ patravit: *Venient dies in te, & circumdabunt te
inimici tui vallo.*

Luc. 16. 8.

Est redditio rationis exactissimæ, quam fieri erit possibile; siquidem respondere nos oportet coram Deo omniscio de omni oculorum nostrorum obtutu, ut etiam de minimo verbo otioso. *Redde rationem villicatio-
nis tue.*

Deut. 32. 7.
28. 29.

Luo. 3. 8.

Cur itaque non dicere ausim, quod minimè alias improbare, aut de quo nullus obstupescere deberet, si denuntiarem, ex centum millibus, qui dicto modo alto mari se crediderint, qui arcis obsidionem sustinere præsumperint, aut rationem redere tentarint sine præmissa dispositione, vix unum fore, qui non esset peritus. Quare nunc videatur adeò alienum, si Doctori Maximo D. Hieronymo subscribam sententia, quod ex centum millibus in malo radicatis peccatoribus, sine præviis ad mortem subeundam dispositionibus aut cogitationibus, etiamsi in ipso motis articulo conatum quandam adhibere videantur, vix unus sit reperiendus, qui non esset condemnandus? *Gens absque consilio est, & sine prudentia; uitiam saperent, & intè ligerent, ac novissima providerent.* O generatio peccatorum maledicta, quandam è veterno evigilabis ut saniora tentias & amplectaris, an cui ultimi finis non ulterius recordaberis? nunquid permisum mihi erit, in meum substituere locum perfectissimam Zelosorum prædicatorum ideam, vocem, inquam, quæ nemini adulari novit, Domini, videlicet, D. Joannem Baptizam: *Genimina vi perarum, quis ostendit vobis fugere à ventura
ira, capitibus vestris jam jam imminente?* Vana est & falax spes, quæ specie longioris vitæ vos laetat & persuadet de die in diem procrastinare conversionem vestram: brachium

brachium Dei vindicis ad vos percuriendos jam est lib-
ratum, securis insensibiliter incidit iitarum, infructuo-
farum arborum radicem: nè fiduciam concipiatis in pœ-
nitentia sub mortis hora primùm instituenda, sed nunc in
prælenti. facite fructus dignos pœnitentiae. Antequam
Dominus ipse adveniat, sèque vobis coram exhibeat, præ-
parate vias ejus permutationem morum & reformatio-
nem vitæ vestræ: parate viam Domini: ad cœlum erigite Ibidem. v. 4.
corda vestra, dum tempus habetis, corrigite pèrverlos
habitus vestros & inordinatos passionum motus compo-
nите: rectas facite semitas ejus. Ibidem. v. 4.

illis, qui ad imitationem impii renuent obedire voci
Præcursoris D. Joannis, suāmque pœnitentiam in mortis
horam relegabunt, nil proderit, quodcunque egerint.
Idem iterum repetō, quòdque secunda ratione, priore
magis fortiori & conyincente, probare contendō.

Ad obtinendam veram in quoctunque statu sive sani-
tatis, sive infirmitatis, tempore vitæ seu in articulo mortis,
conversionem, necessaria est gratia ex parte Dei, & coo-
peratio ex parte hominis. Pro conversione verò extra-
ordinaria, qualis est hominis in malo obdurati, per pro-
fundas & robustas habitum fibras in malitia radicati,
requiritur gratia extraordinaria, itēmque cooperatio ex-
traordinaria.

De via autem & modo communi loquendo, nec ad
miracula recurrendo, non est ulla assecuratio, quod pec-
cator moribundus sit prædictus gratiâ extraordinariâ, nec
quòd sit capax cooperationis extraordinariæ. Ergo cre-
dere fas est, quòd peccator horam mortis expectans non
instituat legitimam sui conversionem. Ipsi videtis necef-
sitatein consequentiæ. Vis nobur argumenti istius de-
pendet

III.

Punctum.

Rr

pendet

